

MISA CON NENOS

9 de decembro de 2018

Advento 2º C

Lucas 3, 1-6: Todos verán a salvación de Deus.:
"Preparade o camiño do Señor, achanzade os seus vieiros".

Mensaxe: En ADVENTO ponte
en camiño, ...SITÚATE.



1. ACOLLIDA

Irmáns e irmás: con gozo reunímonos para celebrar a Eucaristía. Xa sabemos que o Advento é o tempo da preparación para alguén que vai vir, Xesús. No 2º domingo de Advento, ímonos fixar de Xoán Bautista, que nos vai dicir: "Preparade o camiño do Señor, achanzade os seus vieiros". Advento é, pois, o momento de facer reformas, de cambiarmos actitudes, de buscar a Xesús no noso interior, facendo sitio na nosa vida a ese Deus que se fai neno para expresarnos a súa proximidade e para traernos a súa salvación.

(Saímos co cartel de Fano da 2ª semana de Advento).

SAÚDO: Xesús, o Señor, que virá a nós no Nadal, sexa convosco.

2. COROA DE ADVENTO

Comezamos a nosa celebración acendendo o segundo cirio de Advento. Se o domingo pasado se nos invitaba a estar "vixiando, en oración" porque o Señor anuncia a súa vinda, neste segundo domingo de Advento anímase nos a dispoñernos á chegada de Deus, preparar o camiño ao Señor, con xestos de amor ao próximo.



(Acéndese o 2º cirio e a continuación o sacerdote recita esta oración).

Nesta semana acendemos a 2ª vela, a vela dos xestos de amor:

Señor Xesús: Hai xa dous milenios que viñeches ao noso mundo. Pero sabes que no mundo e en nós aínda non todo é belo nin bo. Seguen os odios, os egoísmos. Por iso temos necesidade de ti. Axúdanos a prepararte o camiño indo pola vida regalando xestos de amor, de paz, de diálogo e compaixón. Ven, Señor Xesús!

Todos: **-Ven, Señor, Xesús!**

3. PETICIÓNS DE PERDÓN

Pedimos perdón ao Señor:

* A ti, que nos chamas a poñernos en camiño de encontro contigo. **Señor, ten piedade de nós.**

* A ti, que nos pides que endereitemos os carreiros e rebaixemos os montes que nos separan de ti. **Cristo, ten piedade de nós.**

* A ti, que nos perdoas os pecados e nos chamas á conversión. **Señor, ten piedade de nós.**

4. MONICIÓN ÁS LECTURAS

Deus responde ás nosas peticións. E faino por medio das palabras que dixeron os profetas hai miles de anos. Hoxe imos escoitar o canto do profeta Baruc ao poder saír da terra estranxeira e sentir o gozo da liberación.

No Evanxeo Xoán Bautista no río Xordán anuncia que Xesús está a piques de chegar, gritando, "achanzade o camiño ao Señor".

E san Paulo ensínanos a prepararnos amando e sendo xustos.



5. PETICIÓNS

Unha gran noticia aparece no horizonte das nosas vidas, pois vai vir o Salvador. Dicimos:

R.- **Axúdanos a prepararche o camiño.**

1.- Para que o Papa e os bispos nos leven ao encontro de Xesús. **Oremos.**

2.- Para que como Xoán Bautista non nos cansemos de anunciar o amor de Deus. **Oremos.**

3.- Para que aprendamos achanzar os camiños que nos dividen e separan. **Oremos.**

- 4.- Para que cambiemos as nosas vidas e nos convertamos. **Oremos.**
- 5.- Para que recemos máis e ofrezamos xestos de amor. **Oremos.**
- 6.- Para que a Virxe nos anime a facer sitio nas nosas casas a Xesús. **Oremos.**
- 7.- Para que sempre teñamos forzas para axudar a outros e compartir. **Oremos.**
- 8.- Para que sempre teñamos razóns para estar alegres e facer felices os outros. **Oremos.**
Pai, escoita as nosas pregarías. Por XCNS.

6. OFRENDAS

SINAL DE OBRAS: Nas estradas ás veces atopámonos co sinal de perigo, obras. Tamén nós queremos, nesta semana de advento, poñernos a revisar e cambiar todo o que nos estorba para atoparnos con Xesús e deixalo entrar no noso corazón: egoísmo, preguiza, falta de fe, falta de xestos de amor.

PAQUETE DE ARROZ: Nesta eucaristía queremos pedirlle ao Señor que nos abra o corazón para que participemos na campaña de Nadal de Cáritas compartindo alimentos e algo do noso diñeiro con aqueles que o están pasando mal.

PAN E O VIÑO: Tamén che ofrecemos o pan e o viño, signos do teu amor, eles serán para nós alimentos de salvación que o sacerdote pon nas nosas mans.



7. VIDEOS 2º ADVIENTO-C

- Lc 3,1-6, Debuxos: https://www.youtube.com/watch?v=x2MGV_GdrSk
- Reflexión 2º domingo de advento: <https://www.youtube.com/watch?v=cNALRFZKx24>
- Preparados para o amor, reflexión: <https://www.youtube.com/watch?v=jWc5MNXXYyc>
- Outro camiño é posible, reflexión: <https://www.youtube.com/watch?v=E1kMDwQXYnc>
- Hoxe acéndese unha chama, canto para a coroa: https://www.youtube.com/watch?v=uklbp9Wqj_Q
- Anuncio de Nadal Edeka: https://www.youtube.com/watch?v=-tSL_8hDf5U
- Anuncio de Nadal 2018 Ikea: <https://www.youtube.com/watch?v=grTQHDlcl2w>
- Anuncio Rúa vella Nadal 2018: <https://www.youtube.com/watch?v=MixwBNiFM58>

8. SUXESTIÓNS:

-Podemos facer un camiño polo corredor e que remate xunto ao altar, onde temos o berce baleiro e un cartel que poña: “En Advento ponte en camiño, ...sitúate”. Aos lados o camiño podemos poñer palabras sobre actitudes que debemos endereitar.

-O lema deste domingo 2º é: “En ADVENTO ponte en camiño, ...SITÚATE”. Por iso poñeremos a icona GPS no móbil. O Anxo actívanos o GPS, é necesario situarse, reflexionar sobre onde estamos e sobre cal é o noso destino, cara a onde queremos ir.

-Neste 2º domingo podemos ir colocando nun panel o 2º cartel de Fano, entre os 4 formarán un corazón sobre o que poñeremos a imaxe do Neno Xesús.

-Podemos debuxar e colocar sorrisos na neveira da casa, ou na porta antes de saír á rúa, como recordatorio de que os cristiáns temos que converternos, facendo pequenos xestos de amor, un deles é o sorriso. Enchede vosa casa de sorrisos, facede que a vosa parroquia en Advento sexa diferente... Porque sabemos alegrar e facilitar a vida aos demais. Que os nenos sexan o noso exemplo.

